



BERG NUUS

DIE BERGKLUB VAN SUID-AFRIKA
AFDELING TYGERBERG
POSBUS 4572
7536 TYGERBERG



Desember 2010

BERGskinner



*Die bestuur wens alle lede
'n geseënde Kersfees toe.
Ons hoop en vertrou dat jy die
wysheid in die nuwe jaar
sal ontvang om "vandag" te kan sien
met die oë van more en daarom altyd
goed deurdagte besluite te neem.
May you and your loved ones be
blessed during this special time with
joy, good health and open hearts
for the less privileged.
Drive safely if you must and get fit for
some great hikes in 2011.*

Dit voel of hierdie jaar te vinnig tot
'n einde gekom het – of daar nog 'n
klomp goed op mens se lysie
oorgebly het. Die volledige
program verskyn op ons webtuiste
maar die eerste kwartaal se stappe
word onder BERGdagboek gelys.

Please also diarise the dates for
the **AGM 5 - 6 February 2011** and
make sure you are there. We need
the input of **all** our members as four
of the comitee positions will be
vacant.

Editor



BERGkomitee

Voorsitter: Altus de Wet
074 140 1102 of 021 913 1500 (na ure)
Altus.deWet@capetown.gov.za
Vise-Voorsitter: Ludi Basson
082 874 1770 ludibasson@gmail.com
Sekretaresse: Elza Geldenhuys
083 231 5156 elza@nickgeldenhuys.co.za
Tesourier: VAKANT
Lid vir stappe: Hannes Truter
082 441 5413 hannes@primatoy.co.za
Lid vir jeug & werwing: Sandra Lombard
084 549 6004 sandralombard@telkomsa.net
Lid vir skakeling: Mariana Rabie
082 871 1114 mariana@agriexpo.co.za

BERGnuus

BETTY'SBAAI / PALMIET NAWEEK 30-31/10

My sterkste oorreding wou nie werk nie want
Reline is erg beswaard dat *haar* Wildekus
inset nie geplaas is nie nadat haar lastige
gewete haar tog laat swig het om haar
beloofde verslaggie te skryf. Ek wag toe maar
weer dat haar gewete in muse oorgaan – maar
blykbaar wil dit nie hierdie keer gebeur nie.

Ten spyte van kansellaries, 'n veldbrand en
lelike weervoorspellings het die naweek goed
uitgedraai. Die drie Benkensteins het rumparty
(of het ek net verkeerd gehoor en was dit net 'n
rampartytjie – of is dit een en dieselfde ding?)
gehou en Gerrit Kritzinger het, op die
nippertjie, se neus laat vervang (Ek het gehoor

dit was eintlik 'n truuk om van sy maagvette ontslae te raak). Ferdi Botha se vrou het die naweek siek geword en Johan en Elmien moes na Leon omsien met wie dit stadigaan al beter gaan.



In Junie was daar 'n brand wat die 22 km Kogelberg- roete se plantegroei vernietig het. Daar is toe spesiale toestemming van Natuurbewaring gekry om van Nuweberg Bosboustasie tot by Palmiet-kantoor te stap.




Alhoewel bewolk, het dit nie gereën nie en kon ons lekker stap, blomme kyk en lekker kuier maar niemand wou swem nie.



Die aand is lekker gekuier en Dirk het ook daar aangekom nadat sy bye gewerk het, hulle hom bewerk en hy hulle kos verwerk het.

Maureen Kolles het ook die aand saam gekuier en ons die Sondag na Hangklippiek gevat. Dit was winderig maar baie mooi.



Na 'n ligte middag-ete by die huis is almal terug.

Gerrit Kritzinger

Die Twee Duiwels en die slagoffer... (Springstygbeugel)

Twee duiwels? Ja, ek is oortuig jy is net so verward soos ek was. Ek het ook gedink daar is net een duiwel. Toe nie.....voeg die hel by en jy sit met 'n epiese verhaal van uiterste verraad en wanvoorstellings. Die ergste van alles is dat ek die twee duiwels by die naam ken, Altus de Wet en Charlie. En die hel? Bainskloof.

Ek is deur Altus genader om 'n "easy walk" in die Bainskloof saam met hom te geniet. As natuurliefhebber het ek ewe gretig en entoesiasies ingestem om te deel in die

ervaring. Altus het my voortydig 'n lys van benodigdhede gestuur wat ek moes saamneem wat ek toe ook bymekaar geskraap het.

Op Saterdagoggend 16 Oktober 2010 het Altus en Charlie my kom optel by my woning. Nadat Altus die helfte van my rugsak uitgegooi en agtergelaat het, is ons deur Bainskloof toe. Soos 'n stout seuntjie kon ek nie my opgewondenheid inhou nie.....wat nog te sê van slaap Vrydagaand.

By Bainskloof aangekom het ons sommer vinnig in die pad geval. Ek het poseer vir foto's op my selfoonkamera en al wat leef en beef met 'n foto laat weet ek is op 'n voetslaan in Bainskloof.

Aanvanklik het dit goed gegaan. Die bene is mos vars nes die berglug. Ek het gou agtergekom die manne is ou bergklimmers teen die pas wat hulle gevat het maar ten spyt het ek bygehou deur die asemrowende natuurskoon met berge, waterstroompies, rivier en watervalle om my.

Ons het die middag by "Junction Pool" gestop om iets te eet en rustig agteroor te sit. Die twee duiwels het aanbeveel dat ek iets moes eet maar slim laat hom mos nie vang nie. Ek eet immers nooit deur die dag nie het ek dit trots uitgeblaker. Altus en Charlie het seker so in hulle binneste gelag en gesê... "ons sal sien". En het hulle nie gesien nie!

Van "Junction Pool" is ons verder op die roete. Dit het nog goed gegaan tot die duiwel sy strop begin styf trek het teen die klim na ons oornag plek by die rots. Altus en Charlie het al hoe kleiner voor my begin word. Ek het eers gedink ek hallusineer van die hitte en "gebrek aan kos" wat my ingehaal het maar dit was eintlik my eie bene wat soos die staatsdiens onlangs op 'n staking gegaan het. Hulle wou nie meer nie. Na vele krampe en baie aanmoediging deur die duiwels het ek uiteindelik die kampplek teen so 16h00 bereik. Na die afpak

is ek so honderd meter verder op om te kyk of ek nie die rugby op my selfoon kon opvang nie. Altus en Charlie het 'n rukkie later aangesluit by my met "sundowners" en gerookte mossels onder die arm. Daar het ons die WP se oorwinning oor die Cheetahs met 'n uitsig oor Worcester beleef. Hoe salig!

Ons is na sonder terug kampplek toe. Ek het soos Altus en Charlie 'n koue waterstroompie aangedurf om ontslae te raak van die dag se sweet. Ek sal nie sê hoe koud dit was nie.....

Vars en met nuwe lewe het ek my weer by Altus en Charlie aangesluit waar hulle besig was om boereworsrolletjies aanmekaar te slaan. Moeg het ons tot so 21h00 gelê en gesels en nog "sundowners" gedrink....al was die son al lankal onder.

Sondagoggend is ek vroeg op om die sonsopkoms oor Worcester te ervaar. Na koffie en 'n stewige ontbyt het Altus en Charlie my verder opgevat teen die berg tot waar 'n krans 1000 meter loodreg in die vallei in stort. WOW, is al wat ek kon sê. En toe kom Charlie met 'n idee waaraan ek stil-stil gestik het. Hy het voorgestel dat ons die uitsig oor Du Toitskloof moet ervaar. Dit was 'n verdere 3 km se klim teen 'n helling van 500 meter. Ek het ingestem en het immers stukke beter gevoel, magie was vol en die krampe was weg. Wat 'n belewenis! Die uitsig was soos ek verwag het asemrowend. Na 'n wyle se vertoef op die berg het ons die afdraande aangepak terug na ons kampplek toe. Daar gekom het ons lekker uitgerus, middagete gehad en toe teen 13h00 die 11.5km terug aangepak.

Ons het weer by "junction"uitgespan vir 'n wyle en kans gesien vir 'n swem in die yskoue water. Moet bieg...ek kon nie lank uithou in die koue water nie. Ons is vandaar af terug op die laaste tog van 6 km na waar ons voertuig was. Moeg en lam het ons so 17h00 by die parking aangekom.

Trek ek my woorde oor die twee duiwels terug? Beslis! Hulle is net twee wonderlike mense vir wie ek ewig dankbaar is om die ervaring te kon deel. En Bainskoof?.....Hemel op aarde!

Renier Cloete

BERGsosiaal

Tygerberg Afdeling is volgende jaar die gashere vir die jaarlikse dinee wat op 2 April by die Encore Restaurant of Clara Anna Fontein sal plaasvind. Daar is net 100 plekke beskikbaar, so reageer asb dadelik op die uitnodiging wanneer dit elektronies uitgestuur word. Detail sal ook by die AJV bespreek word. 'n Baie spesiale gasspreker sal optree – hou ons korrespondensie dop. Dagboek solank 2 April 2011.

BERGlede

Die uwe het as komiteelid bedank met effek vanaf 7 Februarie 2011, maar sal op versoek van die komitee voorlopig aanbly as redakteur van die BERGnuus tot 'n nuwe komiteelid beskikbaar is.



BERGdagboek

NUWEJAAR MET 'N VERSKIL...

Altus nooi lede: Ons stap op **Vrydag 31 Desember 2010** na Thomas Hut in die Heksrivierberge, net noord van Worcester vir 'n Nuwejaar met 'n verskil. Kom kyk hoe die Nuwejaarsblomme en dalk al Disas blom en geniet 'n rustige stil Nuwejaar.

Niemand kan vroeër of later begin of eindig nie – daar word oor 'n privaat plaas gestap wat vooraf gereël moet word.

BESPREEK ASB FINAAL VOOR 14 DESEMBER 12H00 by Altus 074 140 1102


21 Jan : Klubaand : Freda 072 732 7544

5-6 Feb : Jaarvergadering / AGM : Olive

Glen : Altus 074 140 1102 of
021 913 1500 (na ure)

Altus.deWet@capetown.gov.za

Slaap oor, kuier en stap
Sondag op Olive Glen



13 Feb : Dagstap – jeug – Suicide Gorge
Sandra 084 549 6004

18-20 Feb : Naweekstap – Sneeuberg –
Charlie 021 913 5751

12 Mrt : Dagstap – Jonkershoekpieke –
Johan 084 619 3654
18-21 Mrt : Langstap – Grootwinterhoek –
Klein Kliphuisrivier klooing –
Charlie 021 913 5751
2 Apr: Dagstap – Sosyskloof – Otto
Pienaar 082 886 0823
15 Apr: Klubaand – Sandra
22-25 Apr: Langstap – Swellendam - Altus

BERGpitkos

Let us remember the
annunciation of the angel:
*"Behold I bring you good tidings of great
joy, which shall be to all people, for unto
you is born
this day in the City of David,
a saviour which is Christ the Lord."*

BERGbydraes



Enige nuus, menings en interessante inligting is baie welkom.

Stuur bydraes in die taal van u keuse.

Any news, views and interesting information welcome.

Submissions can be in the language of your choice.

Please send contributions to Mariana Rabie at mariana@agriexpo.co.za.

The items in this Newsletter are reported in the interest of the Tygerberg Section of the Mountain Club of South Africa. We strive for factual accuracy,

but cannot be held liable for any inaccuracies in the information reported.

The views expressed by the authors do not necessarily reflect those of the MCSA.

---o0o---

Articles, except reprints from other sources, may be reprinted or cited without permission, provided that the source, **Bergnuus, Tygerberg**, is acknowledged. / Die menings van die skrywers weerspieël nie noodwendig dié van die **BKSA** nie. Artikels, behalwe herdrukke uit ander bronne, mag sonder verlof herdruk of aangehaal word, mits die bron, **Bergnuus, Tygerberg**, erken word.

Word 'n Bergklublid en stap saam!

Explore – Discover – Connect – Protect

Verken – Ontdek – Outmoet - Bewaar

